

Y RHAGLEN ARWEINYDDIAETH A RHEOLAETH AR GYFER GWAITH IEUENCTID



Beth yw'r rhaglen hon?

Rhaglen arweinyddiaeth a rheolaeth yw hon yn seiliedig ar fodel a fu'n llwyddiannus yn flaenorol, sydd bellach wedi'i chyd-ddylunio gyda chynrychiolwyr o'r sector gwaith ieuencid a'i chyd-destunoli i'w gwneud yn gyfredol ac i weddu i anghenion arweinwyr a rheolwyr gwaith ieuencid cyfredol yng Nghymru.

Bydd yn mynd â chi ar daith ddysgu amdanoch chi eich hun fel arweinydd yn narpariaeth gwasanaethau i bobl ifanc. Cydlynir y rhaglen gan ETS Cymru a gyda chefnogaeth CLILC, CWVYS, Grŵp Prif Swyddogion Ieuencid Cymru, TAG Cymru (darparwyr hyfforddiant gwaith ieuencid ar lefel AU ac AB) ac fe'i hariennir gan Lywodraeth Cymru. Cymeradwyr y rhaglen gan yr Academi Genedlaethol ar gyfer Arweinyddiaeth Addysgol Cymru (NAEL).



A yw'r rhaglen ar fy nghyfer i?

Bwriadwyd y rhaglen ar gyfer arweinwyr a rheolwyr presennol yn y sectorau a gynhelir a gwirfoddol sydd am wella eu sgiliau a'u hyder i arwain gwaith ieuencid yn effeithiol ar adeg o gymhlethdod a newid sylweddol.

Bydd angen i ymgeiswyr ar gyfer y rhaglen:

- Bod â chyfrifoldeb dros naill ai arwain/rheoli swyddogaethau gwaith ieuencid eu sefydliadau neu rannau sylweddol ohonynt.
- Ennill cymeradwyaeth eu rheolwyr llinell i gofrestru, ac
- Ymrwymo i fynychu'r tri modiwl yn eu cyfanrwydd.

Beth fydd yn ei wneud?

Mae'r rhaglen yn fodel o ddysgu myfyriol, sy'n briodol ar gyfer arweinwyr gwaith ieuencid gan ei bod yn cymhwyso egwyddorion ac arferion gwaith ieuencid. Fe'i cynlluniwyd i gefnogi Strategaeth Genedlaethol Gwaith Ieuencid Cymru drwy sicrhau bod arweinwyr gwaith ieuencid yn cael y cyfle i ddatblygu eu sgiliau a'u hoffer meddwl strategol i allu ymateb i heriau a newid. Os byddwch yn llwyddiannus wrth ymuno â'r rhaglen cewch gyfle i:

- Archwilio gwahanol fodelau arweinyddiaeth, a gallu cymhwyso'r modelau yn ymarferol i'ch arweinyddiaeth eich hun.
- Egluro sut mae arweinyddiaeth yn wahanol i reoli.

- Archwilio'r cyd-destun yr ydych yn gweithio ynddo: diwylliant eich sefydliad a'r amgylchedd polisi ehangach yng Nghymru.
- Datblygu eich sgiliau a'ch hyder wrth hyrwyddo a dadlau dros werth ac effaith gwaith ieuencid.
- Gwella eich gallu i reoli'r broses o gyflenwi gwaith ieuencid o safon uchel - defnydd o ddata a gwybodaeth a sicrhau ansawdd.
- Datblygu eich sgiliau i reoli cyllid: priso gwasanaethau, gosod cyllideb, gwneud cynigion am arian.
- Datblygu eich gallu i arwain a rheoli staff - gosod nodau, ysgogi staff, a rheoli gwrthdaro.
- Deall pŵer a dylanwad - mapio a dadansoddi eich rhanddeiliaid ac archwilio sut i ddylanwadu a gweithio'n fwy strategol gyda nhw.
- Deall sut i leoli gwaith ieuencid a'ch sefydliad gyda'r rhai sy'n gwneud penderfyniadau a dylanwadwyr allweddol.
- Datblygu eich sgiliau a'ch dealltwriaeth o arweinyddiaeth systemau, arwain mewn partneriaethau a thimau amlddisgyblaethol.
- Ystyried y gwahaniaeth rhwng hyfforddi a mentora, a datblygu sgiliau hyfforddi eich hun.
- Archwilio'ch sgiliau a'ch galluoedd yn well fel arweinydd, a sut i'w gwella, gyda'ch cynllun gweithredu datblygu arweinyddiaeth a rheolaeth eich hun.

Cyflwyno'r rhaglen

Mae'r rhaglen yn cynnwys tri modiwl a fydd yn cael eu cyflwyno wyneb yn wyneb ar y dyddiadau canlynol. Byddwch chi'n chwilio, archwilio a datblygu'n feiniadol y galluoedd sydd eu hangen i arwain a rheoli gwaith ieuencid mewn unrhyw leoliad sefydliadol.

Mae'r modiwlau'n digwydd ar y dyddiadau canlynol:

- **Modiwl 1 – Dydd Mercher a Dydd Iau 13 a 14 Mehefin 2023**
- **Modiwl 2 – Dydd Mawrth a Dydd Mercher 12 a 13 Gorffennaf 2023**
- **Modiwl 3 – Dydd Mercher a Dydd Iau 13 a 14 Medi 2023.**

Cynhelir yr holl fodiwlau yn The Diplomat Hotel Restaurant & Spa, Felinfoel, Llanelli, Sir Gaerfyrddin, SA15 3PJ. 01554 756156

Cyflwynir y rhaglen gan dîm o hyfforddwyr sydd â phrofiad o feddwl, ymchwil ac ymarfer arweinyddiaeth a rheolaeth, a phrofiad o arwain a rheoli gwaith ieuencid yng Nghymru. Mae'r ddarpariaeth ar Lefel 7 (lefel Meistr), a gall cyfranogwyr gyflwyno aseiniad academiaidd i ennill cydnabyddiaeth o ddysgu blaenorol ar gyfer modiwl ar y lefel hon. Cynigir Achrediad ILM ar Lefel 7 gan Gwasanaethau Masnachol PDC Cyf, gyda hyn yn cael ei ariannu gan Lywodraeth Cymru.

Rhaid i chi fynychu pob sesiwn isod.

Trosolwg o'r manylion mynediad yma

Ymsefydlu: Bydd y cyfnod ymsefydlu yn rhoi trosolwg o'r cwrs, yn ogystal â throsolwg system o Blatfform Go Learn a chyflwyniad i'r cymhwyster ILM.

- Dyddiadau ymsefydlu: 23 Ionawr 2:00-3:30: Ar-lein ar Teams.

Modiwl 1: Arwain gwaith ieuencid modern

Erbyn diwedd y modiwl hwn byddwch wedi:

- Archwilio gwahanol fodelau arweinyddiaeth, gan gynnwys arweinyddiaeth systemau, arweinyddiaeth ddsbarthedig ac arwain trwy ddylanwad a byddwch yn gallu cymhwyso'r modelau i'ch arweinyddiaeth eich hun yn ymarferol.
- Egluro sut mae arweinyddiaeth yn wahanol i reoli.

- Archwilio'r cyd-destun rydych chi'n gweithio ynddo sy'n newid yn gyflym.
- Datblygu'r meddwl strategol a'r offer sydd eu hangen arnoch er mwyn ymateb i'r heriau a'r newid sy'n eich wynebu wrth weithio mewn amgylchedd sy'n newid yn gyflym.

Modiwl 2: Arwain a rheoli cyflwyno gwaith ieuencid o ansawdd uchel

Erbyn diwedd y modiwl hwn byddwch wedi:

- Datblygu eich sgiliau wrth hyrwyddo a dadlau gwerth ac effaith gwaith ieuencid.
- Nodi ffyrdd i wella'ch sgiliau rheoli ar gyfer gwaith ieuencid o ansawdd uchel, gan gynnwys defnyddio data a gwybodaeth reoli, sicrhau ansawdd, a rheoli arolygiadau.
- Gwellu'ch sgiliau wrth reoli cyllid - prisio a chomisiynu gwasanaethau, gosod cyllideb, gwneud cynigion am arian.
- Datblygu eich gallu i arwain a rheoli eich staff, gan gynnwys gosod nodau, ysgogi eich tîm, a rheoli risg.

Modiwl 3: Arwain a rheoli gwaith ieuencid ar draws y system gyfan

Erbyn diwedd y modiwl hwn byddwch wedi:

- Gwellu'ch dealltwriaeth o bŵer a dylanwad - mapio a dadansoddi'ch rhanddeiliaid ac archwilio sut i ddylanwadu a gweithio'n fwy strategol gyda nhw (gan gynnwys gweithio gydag aelodau etholedig a phwyllgorau rheoli).
- Deall sut i leoli gwaith ieuencid a'ch sefydliad gyda'r rhai sy'n gwneud penderfyniadau allweddol a dylanwadwyr.
- Datblygu eich sgiliau a'ch dealltwriaeth o'r system arweinyddiaeth, gan arwain mewn partneriaethau a thimau aml-ddisgyblaeth.
- Archwilio'r gwahaniaeth rhwng hyfforddi a mentora a byddwch wedi gwella eich sgiliau hyfforddi eich hun.

Dros gyfnod y rhaglen byddwch hefyd wedi:

- Ystyried themâu trawsbynciol arwain ar gydraddoldeb ac amrywiaeth, a sicrhau bod pobl ifanc yn ymgysylltu ac yn cael eu grymuso.
- Datblygu gwell dealltwriaeth o'ch sgiliau a'ch gallu fel arweinydd a sut i'w gwella trwy ddyddiadur dysgu personol.
- Cynhyrchu eich cynllun gweithredu datblygu arweinyddiaeth a rheolaeth eich hun.

Dyma'r drydedd rhaglen arweinyddiaeth a rheolaeth bwrpasol ar gyfer sector gwaith ieuencid yng Nghymru mewn 15 mlynedd. Ariannwyd datblygiad y rhaglen gan yr Academi Genedlaethol ar gyfer Arweinyddiaeth Addysgol Cymru fel rhan o'i gylch gwaith i ddatblygu sgiliau a galluoedd arweinwyr gwasanaethau addysgol yng Nghymru. Telir costau rhedeg y rhaglen ar hyn o bryd gan Lywodraeth Cymru, sy'n golygu ein bod yn gallu cynnig y rhaglen hon heb unrhyw gost i gyfranogwyr. Bydd angen i ymgeiswyr llwyddiannus wneud eu trefniadau eu hunain ar gyfer teithio yn ôl ac ymlaen i leoliad y rhaglen.

Cyfleoedd pellach ar gyfer cyfranogwyr y rhaglen

Bydd cyfranogwyr ar y rhaglen yn cael cyfle i gofrestru ar gyfer y Sefydliad Arweinyddiaeth a Rheolaeth (ILM) Lefel 7, sy'n cael ei gynnig fel dewis ychwanegol.

Strwythur y rhaglen

Mae'r rhaglen yn cynnwys nifer o elfennau sy'n cyfuno fel y dangosir yn y diagram isod.

Gall cyfranogwyr amrywio faint o amser maen nhw'n ei neilltuo i baratoi, darllen a rhwng tasgau modiwl felly mae'r ffigurau hyn yn arwydd yn unig o faint o amser y bydd angen i chi ei neilltuo.

Paratoi a darllen cyn y cwrs: 10 awr

Presenoldeb: 2 ddiwrnod fesul modiwl - cyfanswm oddeutu: 40 awr

Gweithgareddau a darllen rhwng modiwlau: 5 awr

Yn ogystal â'r amser astudio, bydd angen i chi gymryd cyfrif o amser teithio yn ôl ac ymlaen i leoliad y rhaglen.

I wneud
cais,
cliciwch
yma.

